



KP**A**TIK**UÍ** TIPABOCNABH**U**II MONUTI**BOCNOB**





По благословению Святейшего Патриарха Московского и Всея Руси Алексия II

Свято-Троицкая Сергиева Лавра 1991

КАК НУЖНО СОВЕРШАТЬ МОЛИТВУ БОГУ?

- олиться Богу это значит: приходить к Богу, как к своему любящему Отцу, и точно так же, как любящий сын или дочь, беседовать с Ним не только языком или мыслями, но и сердцем своим и всей душой своей. Беседуя с Богом в молитве, мы или прославляем Его и благодарим Его за все Его благодеяния, которым нет числа, потому что Он создал нас и сохраняет жизнь нашу, и спасает от дьявола и от той гибели, какую дьявол через наши грехи уготовляет нам. Или же мы по-детски просим Господа о том, чтобы Он помог нам в наших нуждах как душевных, так и телесных, просим за себя и за всех, кого мы любим сердцем своим. Но так как мы знаем, что наша молитва слабая и негорячая, то кроме Бога, мы обращаемся в своих молитвах и к святым угодникам Божиим, и в особенности к Божией Матери - Милосердной Заступнице рода христианского, прося их, чтобы они предстательствовали, молились за нас пред Богом.

Когда мы усердно молимся Богу, то кланяемся Ему до земли или до пояса, и этим выражаем свое смирение пред Ним и благоговей-

ную любовь к Нему, а также показываем, что мы сознаем себя грешниками, а потому и просим Его, чтобы Он простил и миловал, а не наказывал нас. Вместе с этим мы осеняем себя крестным знамением, потому что мы верим, что Господь Иисус Христос крестом своим победил дьявола и спас нас от вечной смерти. Крестясь, мы должны помнить, что крест для нас, православных христиан, - святыня, и потому полагать его не спеша, со всем вниманием и усердием. И вот мы полагаем тогда персты на лоб - чтобы этим освятить свой ум, на грудь - чтобы освятить сердце и чувства, на правое и на левое плечо - чтобы освятить силы свои и все действия, какие совершаем своими руками. Три первых перста мы соединяем вместе в честь Святой Троицы. И таким образом в нашем православном крестном знамении мы наглядно исповедуем две главнейшие истины христианской веры: веру во Святую Троицу и в распятого за нас Спасителя, Господа Инсуса Христа.

По уставу нашей святой Церкви, каждый христианин должен молиться утром и вечером, перед сном, перед обедом и ужином и после них, перед всяким важным делом, например, перед учением и после. Утром мы молимся, чтобы поблагодарить Бога за то, что Он сохранил нас в ночи, и попросить Его Оте-

ческого благословения и помощи на начавшийся день. Перед отходом ко сну мы также благодарим Господа за благополучно проведенный день и просим сохранить нас во время ночи. Точно так же просим мы Бога и благодарим Его за Его промышление о нас и в течение всего дня, при наших делах и занятиях, перед вкушением пищи и после того.

УТРЕННИЕ МОЛИТВЫ

Встав ото сна, православный христианин читает следующие молитвы:

Во имя Отца, и Сына, и Святаго Духа. Аминь

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша

Святый Боже, Святый Крепкий, Святый Безсмертный, помилуй нас (Трижды).

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имени Твоего ради.

Господи, помилуй. (Трижды).

Слава Отцу и Сыну и Святому Духу, и ныне и присно и во веки веков. Аминь.

* * *

Отче наш, Иже еси на небесех! Да святится имя Твое, да приидет царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукавого. Аминь.

* * *

К Тебе, Владыко Человеколюбче, от сна востав прибегаю, и на дела Твоя подвизаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольского поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно и во веки веков. Аминь.

* * *

Спаси, Господи, люди Твоя, и благослови достояние Твое, победы православным христианам на сопротивныя даруя, и Твое сохраняя Крестом Твоим жительство.

Богородице Дево, радуйся, Благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших.

* * *

Ангеле Божий, хранителю мой святый, на соблюдение мне от Бога с небесе данный, прилежно молю тя: ты мя днесь просвети, и от всякого зла сохрани, ко благому деянию настави и на путь спасения направи. Аминь.

* * *

Моли Бога о мне, святый угодниче Божий (имя), яко аз усердно к Тебе прибегаю, скорому помощнику и молитвеннику о душе моей.

* * *

Спаси, Господи, и помилуй раб Твоих: (назвать имена — родителей, сродников, благодетелей и всех, кого любишь и о ком хочешь помолиться о здравии) и всех православных христиан, и даруй им здравие душевное и телесное

* * *

Упокой, Господи, души усопших раб Твоих (имена) и всех православных христиан, и прости и вся согрешения вольная и невольная, и даруй им Царствие Небесное.

Достойно есть яко воистинну блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славшейшую без сравнения Серафим, без истления Бога Слова рождшую, сущую Богородицу Тя величаем.

* * *

Слава Отцу и Сыну и Святому Духу, и ныне и присно и во веки веков. Аминь.

* * *

Господи, помилуй. (Трижды).

* * *

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй нас. Аминь

молитвы в продолжение дня

Перед ачалом всякого дела: Господи, благослови.

По окончании всякого дела: Слава Тебе, Господи, слава Тебе

Перед учением: Царю Небесный.

После учения: Достойно есть.

Перед едой: Очи всех на Тя, Господи, уповают, и Ты даеши им пищу во благовремении, отверзаеши Ты щедрую руку Твою и исполняеши всякое животное благоволения.

После еды: Благодарим Тя, Христе Боже наш, яко насытил еси нас земных Твоих благ; не лиши нас и Небесного Твоего Царствия.

вечерние молитвы

Отходя ко сну, православный христианин читает следующие молитвы:

Во имя Отца, и Сына, и Святаго Духа-Аминь

Слава Тебе, Боже наш, слава Тебе.

* * *

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша

* * *

Святый Боже, Святый Крепкий, Святый Безсмертный, помилуй нас. (Трижды).

Слава Отцу и Сыну и Святому Духу, и ныне и присно и во веки веков. Аминь.

* * *

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имени Твоего ради.

* * *

Господи, помилуй (Трижды).

Слава Отцу и Сыну и Святому Духу, и ныне и присно и во веки веков. Аминь

* * *

Отче наш, Иже еси на небесех! Да святится имя Твое, да приидет царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

* * *

Господи Боже наш, еже согреши во дни сем словом, делом и помышлением, яко Благ и Человеколюбец прости ми Мирен сон и безмятежен даруй ми. Ангела Твоего хранителя посли, покрывающа и соблюдающа мя от всякаго зла, яко Ты еси хранитель душам и теле-

сем нашим, и Тебе славу возсылаем, Отцу и Сыну и Святому Духу, и ныне и присно и во веки веков. Аминь.

* * *

Спаси, Господи, люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

* * *

Богородице Дево, радуйся, Благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших.

* * *

Ангеле Христов, хранителю мой святый и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достайна мя покажеши благости и милости Всесвятыя Троицы и Матере Господа моего Иисуса Христа и всех святых. Аминь.

* * *

Взбранной Воеводе победительная, яко избавльшеся от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

* * *

Моли Бога о мне, святый угодниче Божий (имя), яко аз усердно к Тебе прибегаю, скорому помощнику и молитвеннику о душе моей.

* * *

Спаси, Господи, и помилуй раб Твоих: (имена) и всех православных христиан, и даруй им здравие, душевное и телесное.

* * *

Упокой, Господи, души усопших раб Твоих: (имена) и всех православных христиан, и прости им вся согрешения вольная и невольная, и даруй им Царствие Небесное.

* * *

Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем,

* * *

Слава Отцу и Сыну и Святому Духу, и ныне и присно и во веки веков. Аминь.

* * *

Господи, помилуй. (Трижды).

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отцов наших и всех всятых, помилуй нас. Аминь.

символ веры

Верую во единаго Бога Отца, Вседержителя, Творца небу и земли, видимым же всем и невидимым. И во единаго Господа Иисуса Христа, Сына Божия, Единородного, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшего с небес и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писаниям. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца.

И в Духе Святаго, Господа, Животворящаго, Иже от Отца исходящаго, Иже со Отцем и Сыном споклоняема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

МОЛИТВА ПЕРЕД ПРИЧАЩЕНИЕМ

Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститися пречистых Твоих Таинств, во оставление грехов, и в жизнь вечную. Аминь.

Вечери Твоея тайныя днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем. Да не в суд или во осуждение будет мне причащение святых Твоих Таин, Господи, но во исцеление души и тела. Аминь.

молитва мытаря

Боже, милостлив буди мне грешному.

МОЛИТВА БЛАГОРАЗУМНОГО РАЗБОЙНИКА

Помяни мя, Господи, егда приидеши во Царствии Твоем.

МОЛИТВА СВ. ЕФРЕМА СИРИНА (Читается в Великий пост)

Господи и Владыко живота моего, дух праздности, уныния, любоначалия и празднословия не даждь ми. (Земной поклон).

Дух же целомудрия, смиренномудрия, терпения и любве даруй ми, рабу Твоему. (Зем-

ной поклон).

Ей, Господи, Царю, даруй ми зрети моя прегрешения и не осуждати брата моего, яко благословен еси во веки веков. Аминь.

РОЖДЕСТВЕНСКИЙ ТРОПАРЬ

Рождество Твое, Христе Боже наш, возсия мирови свет разума, в Нем бо звездам служащии звездою учахуся Тебе кланятися, Солнцу правды, и Тебе ведети с высоты Востока. Господи, слава Тебе!

ПАСХАЛЬНЫЙ ТРОПАРЬ

Христос воскресе из мертвых, смертию смерть поправ и сущим во гробех живот даровав.

заповеди божии

первая и большая заповедь

Возлюби Господа Бога твоего всем сердцем твоим, и всею душею твоею, и всем разумением твоим.

вторая же подобна ей

Возлюби ближнего твоего, как самого себя.

десять заповедей божиих

1. Аз есмь Господь Бог твой: да не будет тебе бози инии, разве Мене.

2. Не сотвори себе кумира и всякаго подобия, елика на небеси горе, и елика на земли низу, и елика в водах под землею: да не поклонишися им, не послужиши им.

3, Не приемли имене Господа Бога твоего

всуе.

4. Помни день субботний, еже святити его: шесть дней делай, и сотвориви в них вся дела твоя, в день же седьмый — суббота Господу Богу твоему.

5. Чти отца твоего и матерь твою, да благо ти будет, и да долголетен будеши на земли.

6. Не убий.

7. Не прелюбы сотвори.

8. Не укради.

9. Не послушествуй на друга твоего свидетельства ложна.

10. Не пожелай жены искренняго твоего, не пожелай дому ближняго твоего, ни села его, ни раба его, ни рабыни его, ни вола его, ни осла его, ни всякаго скота его, ни всего, елика суть ближняго твоего.

три добродетели:

Вера, Надежда, Любовь.



